



In dumënia ai 09 de Setëmbër é gnü sughé, dô che al é stè "spielfrei" la prüma partida dl campionat 2012/2013 de 3° categoria por La Val. La partida é gnüda sugada fora de cïasa cuntra la squadra da Gais.

Dô les bunes prestaziuns de Copa Provinzia é La Val é jüs a Gais por portè a cïasa trëi punç. Mo le campionat ne á nia metü man bun. I sogadusc da La Val ne é mai jüs te partida y ruvâ ince gonot tert sön i pai. Al é gnü sbaglié en grüm de passaggi y prësc mai trat te porta.

I prüms 5 menüç y i ultimi dla partida é La Val che á sughé, scno ne el gnanca garaté un en tiro tratan la partida. Bel da mëter man el Ivan che se prota jö por la fascia, dô che al é surpassè en defensur fejel en bel cross sön le prüm palo, ulache al röia adalerch Romeo, cun en gran stacco de cé röiel sön le pal, mo la pala röia de püch sura la traversa fora.

Chësta é stada l' unica ocajiun prigorosa por La Val tratan düt le prüm tëmp.

Gais ne é gnanca cis prigorusc, mo al ti gareta le gol cun gran fortuna. Na pala vëgn ribatüda fora dl area, al röia adalerch en sogadú che fesc en tiro, dui defensurs da La Val é bugn da blochè le tiro. Mo la pala se alza a campanile. Le portier da La Val prô da abiné le pala, mo ara ti sciampa bel avisa sot la traversa ite. En gol de gran fortuna por le Gais. Tratan le prüm tëmp é cïamò Gais che á la poscibilitè cun en per de punizioni da fa gol, mo la pala röia te bariera o dlungia porta ia. En pü de fortuna á La Val cïamò sön en angolo, en bel colp de testa dl Gais röia bel avisa sön le palo.

Le prüm tëmp se stllüsc jö sön le 1 a 0 por Gais.

Il secundo tēmp é La Val indô che sūga dēr mal, ara ne ó propi nia ester chesc iade. Raimund é bun cun dōs beles parades da salvé le 1 a 0. Mo sōn üna se fejel mè ala sciabla. Sōn na uscita vëgnel sbilancé y toma bel avisa jō sōn la sciabla, che ti toma fora spo. Sōn chëra él Merch che tol so post spo.

I ultimi 5 menüć é La Val che se descēnda. Deache ai ne á nia da perde, se scbilancēia la squadra ianant. Al nasc en per de ocajiuns, mo al vëgn gonot sbalié l' ultim passaggio o che i tiri rōia dlungia porta ia.

La partida se stlūsc jō sōn le 1 a 0 por le Gais. Proscima partida é in dumēnia te cíasa cuntra le Lūsen (che é tomá zruich te 3. cat l' ann passè)

□

La formaziun titolara: Rubatscher Raimund, Tavella Thomas, Alton Alex, Vallazza Paolo, Valentin Elmar, Frenes Micky, Sottara Stefan, Sottara Freddy, Tschaffert Ivan, Moling David, Rubatscher Romeo.

□

Sostituziuns:

Miribung Adrian por Sottara Freddy

Frenes Egon por Tavella Thomas

Vallazza Merch por Rubatscher Raimund (che se á fat mè)

Miribung Alexander por Moling David

Steinhauser Elmar por Sottara Stefan

□

Por udëi i atri resultač drüca (ince di atri campionač ulache sogadusc da La Val süga para) drüca: [resultač](#)